



LEMBAGA PERS Dr. SOETOMO



**CONSELHO DE IMPRENSA
TIMOR-LESTE**

NOTA ENTENDIMENTU

ENTRE

LEMBAGA PERS Dr. SOETOMO (LPDS)

HO

CONSELHO DE IMPRENSA DE TIMOR-LESTE

NÚMERU: 0002/LPDS/MoU/III/2019

NÚMERU: NE03/CI-LPDS/III/2019

**KONA-BA FORTELESIMENTU INSTITUSIONÁL NO DEZENVOLVIMENTU
REKURSU UMANU**

Iha loron ne'e, Xesta-Feira, loron 15 fulan Marsu tinan 2019 iha Gedung Dewan Pers Republik Indonesia, andar 3, rua. Kebon Sirih No. 32-34, Jakarta Pusat, Indonesia, ami ne'ebé mak asina tuir mai:

1. Ketua Dewan Pengurus **Yayasan Pendidikan Multimedia Adinegoro (YPMA) - Lembaga Pers Dr. Soetomo (LPDS)**, **Ahmad Djauhar**, iha Gedung Dewan Pers Republik Indonesia, andar 3, rua. Kebon Sirih No. 32-34, Jakarta Pusat, Indonesia, tuir mai bolu **PARTE DAHULUK**;
2. Presidente Conselho de Imprensa de Timor-Leste, **Virgílio da Silva Guterres**, iha parte ida ne'e hodi naran **Conselho de Imprensa de Timor-Leste** ho enderesu Avenida Bispo de Medeiros, Quintal Boot, Dili, Timor-Leste, tuir mai bolu **PARTE DARUAK**.

PARTE DAHULUK no **PARTE DARUAK**, ne'ebé tuir mai sei bolu nu'udar **PARTE SIRA**, uluk liu sei esklaresé pontus sira tuir mai:

- a. Katak **PARTE DAHULUK** hanesan instituisaun edukasaun no formasaun iha área média ne'ebé independente iha Indonézia. Harii iha loron 23 fulan Jullu tinan 1988 iha Jakara no hanaran Lembaga Pers Dr. Soetomo atu fó onra ba inisiador movimentu Nasionalizmu Indonézia. Dr. Soetomo iha tinan 1908 hanesan estudante universitariu Medisina maibé iha tempu barak nia foka liu iha área edukasaun no jornalístiku. Hodi naran Dr. Soetomo, LPDS leva funsaun prinsipal atu hala'o edukasaun iha área jornalístiku no jestaun média

Virgilio

nian, no mós halo avaliasaun, peskiza, sentru dokumentasaun no dezenvolvimentu siénsia jornalístiku.

- b. Katak **PARTE DARUAK** nu'udar instituisaun independente ho funsaun atu promove Liberdade Imprensa tuir Lei Komunikasaun Sosial, Timor-Leste, Númeru 5/2014, loron 19 fulan Novembru;
- c. Katak **PARTE SIRA** iha espirtu hanesan atu haburas liberdade imprensa liuhosi fortalesimentu institusional no dezenvolvimentu politika;
- d. Katak **PARTE SIRA** idaidak iha kapasidade atu fô tulun ba konseitu entendimentu ida ne'ebé fo benefísiu ba malu hodi haburas liberdade imprensa liuhosi fortalesimentu institusional no dezenvolvimentu politika;

Bazeia ba konsiderasaun hirak ne'e, **PARTE SIRA** aseita atu halo, asina no hala'o Nota Entendimentu kona-ba **FORTELESIMENTU INSTITUSIONAL NO DEZENVOLVIMENTU REKURSU UMANU**, tuir mai bolu deit Nota Entendimentu ho nia rekizitu sira tuir mai:

ARTIGU 1

INTENSAUN NO OBJETIVU

- (1) Nota Entendimentu ida ne'e halo ho intensaun atu utilize rekursu hosi **PARTE SIRA** hodi promove liberdade imprensa liuhosi fortalesimentu institusional no dezenvolvimentu rekursu umanu liuhosi edukasaun no formasaun jornalístiku;
- (2) Nota Entendimentu ida ne'e halo ho objetivu atu asegura kooperasaun ne'ebé metin ho konsiderasaun ba karakter ne'ebe diferente no kompleta malu hosi mandatu no responsabilidade **PARTE SIRA**;

ARTIGU 2

ÁMBITU

Ámbitu hosi Nota Entendimentu ida ne'e:

1. Fortalesimentu Institusional, kobre:
 - a. Edukasaun, Formasaun, Estajiu serbisu iha área jornalístiku no jestaun mídia
 - b. Edukasaun, Formasaun, Estajiu serbisu iha área ejame kompeténsia ba Jornalista
 - c. Dezenvolve programa hamutuk peskiza, sentru dokumentasaun, Semináriu no Kolokiu.
2. Hala'o edukasaun no formasaun iha área seluk ne'ebé iha relasaun organiza meu komunikasaun ne'ebé diak.
3. Atividades seluk tuir kna'ar prinsipal no funsaun **PARTE SIRA**.

ARTIGU 3

IMPLEMENTASAUN

- (1) Implementasaun Nota Entendimentu ida ne'e teknikamente sei regula iha Akordu kooperasaun ketak entre unidade téknika ne'ebé deside husi **PARTE SIRA**, ho kaer ba Nota Entendimentu ida ne'e.
- (2) Akordu Kooperasaun ne'ebé temin iha alínea ida (1) nu'udar parte ida ne'ebé la hases husi Nota Entendimentu ida ne'e.

ARTIGU 4

FINANSIAMENTU

Nesesidade finanseira hothotu ba implementasaun Nota Entendimentu ida ne'e sei sai nu'udar kustu no responsabilidade **PARTE SIRA** no/eh fontes finasiamentu sira seluk ne'ebé legál liuhosi formulasaun téknika, proposta no konkorda hamutuk.

ARTIGU 5

PERIÓDU

- (1) Nota Entendimentu ne'e validu durante tinan lima (5) hahu husi loron ne'ebé **PARTE SIRA** asina no bele hanaruk, muda, hafoun, eh hakotu ho akordu eskrita husi **PARTE SIRA**.
- (2) Ajustamentu no/eh mudansa ba Nota Entendimentu ida ne'e halo ho fó atensaun nafatin ba pontus no prinsipiu sira ne'ebé konkorda tiha ona entre **PARTE SIRA**.
- (3) Se Parte ida hakarāk atu muda, hanaruk no/eh hakotu Nota Entendimentu ida ne'e, Parte refere iha obrigasaun atu fo hatene tarde liu fulan 3 (tolu) antes.

ARTIGU 6

MONITORIZASAUN NO AVALIASAUN

Monitorizasaun no Avaliasaun ba Nota Entendimentu ida ne'e hala'o periodikamente hosi **PARTE SIRA** minimu dala 1 (ida) iha tinan 1 (ida) nia laran no/eh bainhira nesesariu.

ARTIGU 7

DISPOZISAUN SELUK

- (1) Disposisaun sira seluk ne'ebé seidauk regula no/eh seidauk regula natoon iha Nota Entendimentu ida ne'e sei regula liuhosi akordu entre **PARTE SIRA** ne'ebé sei hakerek iha mudansa (*addendum*) ida ne'ebé sai nu'udar parte integrál husi Nota Entendimentu ida ne'e.
- (2) Nota Entendimentu ne'e sei la hamenus kn'ar, funsaun no responsabilidade **PARTE SIRA** nian.
- (3) Nota Entendimentu ida ne'e remata eh nulo tuir Lei bainhira iha legislasaun eh Política Goveru **PARTE SIRA** ne'ebé la fo dalan ba implementasaun Nota Entendimentu ida ne'e.


ARTIGU 8

TAKA

Nota Entendimentu ne'e halo iha kopia 2 (rua) iha Lian Indonesia ho Lian Tetum no asina hosi **PARTE SIRA** no mós sai baze legál no kesi **PARTE SIRA**.

Jakarta, 15 Maret 2019

**PARTE DAHULUK,
KETUA DEWAN PENGURUS
YAYASAN PENDIDIKAN MULTIMEDIA
ADINEGORO**



AHMAD DJAUHAR

**PARTE DARUAK,
CONSELHO DE IMPRENSA
DE TIMOR-LESTE**



VIRGÍLIO DA SILVA GUTERRES